



enformaziuns y termins

Prozesciun: l'Uniun Ei Val Badia envieia d'uc i ei a tó pert en domegna ai 13 de ma ala prozesciun con linternes o cianderes (da se tó empara) da Porsenú a Neustift. An peia ia ales 21:00 dal'Aquarena por roé ales 22:00 ca. a Neustift olá ch'al gnará zelebré la santa messa. Al ven organisé na coriera, co peia ia da Longega ales 19:30: s'anunzié cina en vendres ai 11 de ma pa Salvester Vittur, ☎ 333 7247516.

KVW Senioreclub: en jöbia ai 3 de ma gnará fat en pelegrinaje a Götzens. An peia ia ales 8 da doman cole bus, sôn plaza dal Cone. lade y marena costa 30,00 €. Prenotaziuns pa Lidia Taibon, ☎ 339 7899107.

Pelegrinaje: le KVW de Puster envieia vedui, vedoes y porsones sores en Lönesc de Pasca de ma, ai 21 de ma al pelegrinaje a Marastein fora en Tirol. Le iade con marena costa 38,00 € plü les boandes. An peia ia da Salaronz ales 8:15 y röa zoruch encer les 18:00. Pronotesse cina ai 12 de ma pa zacai dal consei dal KVW o cina ai 16 de ma pal KVW da Bornech, ☎ 0474 411149.

Concurs: la diretoria dla Ciasa de Palsa da San Martin lascia alessei che al é gnü scrit fora en concurs publich por ejams por curí 1 post (tomp plen 76,32% - 38 ores al edema) de infermiera profesionala tla VII.ter cualifica funziunala, reservé al grup linguistich ladin. Al ven damané l'atestat de trilinguism B. Les domandes d'amisciun mess gní scrites fora sôn le formular aposta ch'an ciafa tai ofizi dla Ciasa de Palsa o ch'an pó descarié dala plata internet www.ciasadepalsa.it. Le domandes mess gní dades jö tai ofizi dla Ciasa de Palsa cina ales 10:00 dai 1 de jügn. Enformaziuns ☎ 0474 524786.

Grup Atmosfera: en jöbia ai 3 de ma s'encunta endô dales 15:30 ales 17:30 tla sonta dal Raiun Sozial Val Badia a Picolin le grup de tomp lede „Atmosfera“ por eres y ei atochés da problems psichics. En cösc iade modelunse l'arjila y lasciun ledia nosta fantasia. I se tolun ince le tomp da s'la cunté empü' adöm con Irina Tavella y Barbara Rungger. Enformaziuns pa Sabine Rainer, ☎ 0474 524519.

Seminar: en sabeda ai 12 d'aorí vegnel tigní ta San Martin en seminar de retorica con Alex Ploner (8 ores endöt). Enformaziuns y prenotaziuns pal Sorvisc de Formaziun Val Badia, ☎ 0474 523110 o formaziun.vb@micura.it

Zenter Families Mareo: trec de nusc mituns mangiass ienn trepes duciaries y “fast food”. Na alimentaziun sana á pücia emportanza te cösta eté, cösc pón sonzater müdé. “Fast Food”, duciaries y de vigne sort d'ater pón ince arjigné ca a na moda sana. Cösc ves gnará splighé y mostré en vendres ai 4 de ma dales 16:00 ales 19.00 tal local dai Jogn d'Al Plan da Valentina Moling, raprejentanta y “Ernährungscoacherin” dla firma Feel Good. Inviés é mituns y mitans dla scora mesana ennant y jogn, acompagnés da en genitur. Le cost por soci dal ZFM é de 10,00 € , por i atri 30,00 €. Prenotaziuns y informaziuns pa Helga Rubatscher anter i 2 de ma, ☎ 333 2181049.

ACS Mareo: l'ASC Mareo/Raiffeisen tin söa sontada generala en lönesc ai 7 de ma ales 20:00 tal salf dla Cassa Raiffeisen. Dedô é d'uc enviés a n pico renfresch.

Döt le bun a:	Florian Terza	* 03.05.1921
	Jep Rindler	* 03.05.1938
	Anna Taibon Pedevilla	* 04.05.1932
	y a d'uc chi co á santennom y compless i agn cöst'edema	

Impressum: Ploania d'La Pli; redaziun Franz Rigo y Edith Willeit
Comunicaziuns cina le **dedemesaledema** sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania

La Pli de Mareo

Santa Maria dal Bun Consei

Ploian: Signor Heinrich Perathoner
 E-mail: ploania@gmx.net

Calogna Al Plan: 0474 501006
 Radio de Ploania: 93,00 MHz

UNITÉ PASTORALA



VAL BADIA

www.unitepastorala.org

Ann B

29.04.2018 - Cuinta domegna de Pasca

n. 22

Romagnede te me, spo romagni iu te os. Chel co romagn te mé porta trep früt. Alleluia.

☞ St.Ap 9, 26–31 | 1 Jan 3, 18–24 | Jan 15, 1–8

Dal Vangelo do San Jan:


Te chel tomp á Gejú dit a sü discepu: ¹Iu sun le der len da öa, y mio pere é le vignadú. ²Vigne rama co ne porta nia früt te me, táiel ia y vigne rama co porta früt, purifichiel por ch'ara porti deplü. ³Os seis belo purifichés con la parora ch'i ves á dit. ⁴Romagnede te me, spo romagni iu te os. Desche la rama da öa ne sciafia nia da porté früt da d'era enstessa, mo ma sc'ara romagn pro le len, ensciö ne sciafieise gnanca os da porté früt, sc'i ne romagneise nia te me. ⁵Iu sun le len da öa, os seis les rames. Chel co romagn te me y te chel co iu romagni, chel porta trep früt; ciodiche despartís da me, ne sciafieise da fá nia. ⁶Chel co ne romagn nia te me, ven sciüré demez desco la rama da öa y secia. An chei adöm les rames, les sciüra te fü y ares verd jö. ⁷Sce os romagneis te me y sce mies parores romagn te os, spo periede do döt ci ch'i oreis: i le ciafareis. ⁸Mio Pere ven glorifiché te chel, ch'i porteis trep früt y ch'i deventeis mi discepu.

Oraziun dal de

Dio, nosc Pere, te nes as salvé por opra de to Fi y te nes as tut sö desco tü fis bunorüs: ciara plen de bunté sön d'uc chi co crei te Crist y scinchi la derta liberté y la vita eterna.

Do cösc te periunse por nosc Signur Gejú Crist, to Fi, co é Dio y vir y regneia con te tl'unité dal Spirit Sant por d'uc i secui dai secui. – Amen.

(Lezionar B)



☞ Letöres dla Sesta domegna de Pasca:

St.Ap 10, 25–26.34–35.44–48 | 1 Jan 4, 7–10 | Jan 15, 9–17

Edema liturgica dai 29.04. ai 06.05.2018

DOM 29. 08:30 10:00	Cuinta domegna de Pasca <i>Caterina da Siena, Roswita, Robert</i> gran messa por dōta la ploania <i>oferta por i debojūgn dla ploania</i> s.m. a Al Plan
Lön 30. 07:30	<i>Pio V., Hildegard, Rosamunde, Bernhard</i> s.m. a Al Plan
Ded 01. 07:30	<i>Ojöp laurant, Augustin, Arnold, Maximilian</i> de de ringraziamont dal laur s.m. d'aniversar por † Canzio Willeit, Blaje s.m. por les Püres Armes
Dem 02. 18:00	<i>Atanase, Sigismund</i> s.m. a Al Plan
Jöb 03. 19:30	 festa dai sanc apostui Filipo y Iaco de d'oraziun do vocaziuns s.m. d'aniversar por † Jep Ellecosta, Taibun/Ombolt s.m. por † Vigile Ellecosta, Taibun s.m. por † Massimo Topran Cutin, La Pli
Ven 04. → 18:45 19:30	pröm vendres - Florian (<i>patron da Curt</i>), <i>Guido, Valeria</i> signor ploan va a proveder poscibilitè da se pissié s.m. por † Emma Frontull ved. Ellecosta, Bastl s.m. de ringraziamont dla familia Facchini, Framacia funziun al Sacher Cör
Sab 05. 07:30 13:00	<i>Max, Angelo, Iuta, Sigrid</i> s.m. por vis y †† dal Sartú da Rara s.m. por † Pasquale Winkler, Rara s.m. da noza dai nüc Albert Ellecosta y Anita Feichter
DOM 06. → 08:00 → 08:30 15:00	Sesta domegna de Pasca de San Florian <i>Antonia, Gundula</i> gran messa por dōta la ploania <i>oferta por i debojūgn dla ploania</i> prozesciun a Curt con benedisciun dal rü d'La Pli, 2 vangeli, s.m. ad onú de San Florian do int. dai Stödafüs d'La Pli y d'Al Plan ♫ <i>Musiga d'Al Plan</i> funziun dal Bato de Annalena Rigo
<i>ampola:</i>	por vis y †† d'André
<i>ministronc:</i>	▶ da doman y domegna: Maria Erhard y Jacklyn Clara ▶ da sera y domegna: Carolin Willeit y Anita Brandlechner
<i>i recordun:</i>	Maria Regina Ellecosta + 29.04.2008 Maria Trebo Wilhelm, <i>Paisc Todesc</i> + 30.04.2015 Canzio Willeit + 01.05.2009 Jep Ellecosta, <i>Taibun/Ombolt</i> + 02.05.2011 Signor Franz Agreiter SDB, <i>Brasil</i> + 03.05.2009



Nia rumper i fiós (*Jan 15, 1-8*)

I ponsi do

Cōsta é en n'atra bela imaja dla natōra por mostré le dejider de Gejú da se lié a vignōnn de nos. En liam sterch y intensif desco chel danter la rama y sōa planta. I án dōes poscibilités: rumper cōsc liam o se tigní toch pal len. La dezijiun speta a vignōnn, con sōes consequenzes.

I preii ensciö

Signur Gejú, nos sun rames delicates. I metun empormó man da florí, i messun ciamó cresce y gní gaierc. En ont sterch podess se rumper demez dal len. En gran peis podess se destaché da te. Por fortūna este tō: nosta sora derta forza. Tegnesse toch pa te, lieiesse a to amur y a tōa amizizia. Al ne sozedi nia ch'i sontiunse, da gragn, la tristeza dla separaziun o la ligreza falza dla ester dalunc da te. Fa che nosta vita ne se röi nia tal fōm dal len burjé, mo porti frúc desco da na rama florida.

Walter Cazzaniga, Parola amica – Il Vangelo della domenica per ragazzi

→ Les “**Stories de Adam y Eva cuntades ai mituns**“ va ennant la proscima plata



Vita de ploania y de paisc



Le Signur se benedesci y ciari de os. Le Signur lasci lominé so müs sora os y se dái sōa grazia. (Num 22, 24-25)

La ploania i fej les miús aodanzes de benedisciun y fortūna ai nüc **Albert Ellecosta y Anita Feichter** co se dá adöm tal sacramont dal matrimone en sabeda ai 5 de ma a La Pli.

○ **Enformaziuns dal Consei Pastoral** (*sontada dai 19.04.2018*)

Funziuns de ma: **lönesc** ales 19:30 corona te dljia (ai 7 con l'Uniun dles Eres por les families, ai 14 con l'Uniun dai Ei por perié do la fede, ai 28 con la Joneza en onú de Santa Maria por perié do so aiüt); **dedlönesc** y **sabeda** do messa funziun a Santa Maria; **dedolönesc** ales 20:00 corona te capela da Miscí, **dedemesaledema** d'oraziun te familia; a **Longega** vigne sera ales 20:00 corona te capela; Rita Konrater y Emma Rindler fej pert pal **grup de laur por la Caritas**, le grup de laur por la familia ven motü sö plü ennant; La **domegna dla familia** (27 de ma) al sará en grup de mituns co cianta pla messa; **Santa Comegnun:** ince ples gran festes vegnel partí fora la Comegnun ma sö da alté; chi co é empé jö por dljia é periés da sté sö da d'alté cina che düc é jüs ala Comegnun; do messa vegnera ciamó partida fora ai ciantadús y a chi co n'á nia sciafié da jí dertan messa.

○ **Preparaziun al Bato:** l'Uniun dles Eres Catoliches dal decanat envieia düc i geniturs co á na creatōra da bacé, pers co aspeta, toc y totes, ala preparaziun dal Bato en **sabeda ai 5 de ma** dales 15:00 ales 17:00, te Ciasa dles Uniuns a **La Pli**. Prenotaziuns, ☎ 328 0717796.

○ **Sontada dla comisciun de cortina en jöbia ai 3 de ma do messa.**